

شمس وقمر

النجوم في مكانها لكن
 أقرب كثير منك
 والقمر في ليله ساكن
 بشكى ليه البعد عنك
 بحكيله دايمًا وبقوله إنك
 حاجه حلوة في كل شيء
 في عز توهتي .. بتكوني الطريق
 في الوحدة بتكوني الونس
 بتكوني الصديق
 وإن العمر من غيرك
 إن مشى .. ماشي بطيء
 حاسس بضيق .. صوتي إتخفق ..
 وفجأة دمعُه جوه عينه .. إتخلق

رد القمر بضحكة بلتها الدموع
تعرف يا واد..

قصتك دي عندي منها
بس مداريها ورا الضلوع
شايف يا واد النور دا كله
مش بتاعي.. كله نورها
والل بيخليلي لازمة بردو هي
بس مش عارف أزورها..!
أهل النهار أهلها
رافضين أروح عندها
والليل أبويا لو أسيبه يختفي
وإن هي سابت أهلها
الدنيا دي هتتظفي
والنتيجة هي هي

إني مش قادر أزورها
كل الي بقدر أعمله
إني بلمح حمار عنيتها
وهي ماشية قبل مني
ودمع روحها تسيلي ضيه
فباخده جوه عنيا نني
كل الي عاوزك تفهمه إني
عمري ما حبيت زيتها
مع إننا شمس وقمر
رفض القدر.. يسمح لهم بمعاد
وانتوا كمان زيّنا
شمس وقمر.. وبعاد